



USCIS hélémúkya'anya baséni na bahangú'i



U.S. Citizenship
and Immigration
Services

M-1186-KIB (10/21)

USCIS hélémúkya'anya baséni na bahangú'i



U.S. Citizenship
and Immigration
Services

USCIS hélé múkya'anya baséni na bahangú'i

M'molwa wa bu'i'yani na búséni (USCIS), E'hakya i'alola alembe â éséngélé 'ya Amelika (DHS), élé mú'úshekenyanya m'Emo 'ya m'búka ca Amelika i'té m'séni lúnge i'té m'hangú'í wapolitike. Twãnyem'ya byobe bikabé na búkeci, na twa'ú'nda í'ú 'watéléca ôte'elele mwingi na 'yobe elongo lumbaka úbe na alamo angéne m'éno éséngélé 'ya émo 'ya m'búka ca Amelika. Lúnge twã'ú'nda í'kába misahú ya bilya byúnaba mwene'búka wa éséngélé 'ya Amelika.

Lúno lúsalango lúlangúlúla na lú'w'atéléca í'hikéla bilya byona te'elela m'méno éséngélé 'ya Amelika lumbaka ú'manye bo benebene na boloci na bô'úlú bwa bu'i'ani bwa éséngélé 'ya Amelika. I'ba mwenembúka wa éséngélé 'ya Amelika ô'úba na búbasha i'té mwenem'búka wose hú'lya na úhiüngwa bútamba bwa bu'i'ani i'té bange bose.

Bú'benebene na boloci

E'té m'séni hange m'hangú'í wa politike m'meno éséngélé 'ya Amelika, húle na bútamba bwa bula bwi lama hano ité bange babúcwa ba éno éséngélé. Hemú mi'a'é ya tenda iba na botamba bwa itenda, bútamba bwa iyangyakúla ômbe wobe ú'hi'kyéléle, na bútamba bwa misangano.



Lúnge úle na boloci. M'meno éséngélé 'ya Amelika, mtú hose húlya àcelela ícanga mi'a'é ya éséngélé. Ú'léngye ú'manye mi'a'é ya Amelika ôlumbaka henaba ya húsana na hélya ya bis'ééséngélé byo lamile m'mbíle. Holéngye úhikele histo'lia lya Amelika, úké'ma, na nyoboloci co ú'ú'atéléca ú'ihungwa úshile m'mbúka wa hano.

Ú'le na búbenebene bwa:

- l'lama hose halya m'éséngélé 'ya Amelika
- Ú'amba m' éséngélé 'ya Amelika
- Ú'hingéla na ú'húlana m'éséngélé 'ya Amelika u'i'nyema hémo mitétekele
- Cangéléla masomo ma batú bose mwinga na mi'â'é ya bé'wa
- Húna ébamba 'ya bú'lénji (Social Security card)
- Húna m'manda wa i'nyaca mtö'kali ange bingé bikombwa kombwa bya bolomboci bwa'éno éséngélé m'búka yúhi'ekye hemo
- Húna iba mtú wa bwi'yano na m'mbúka

wa na lose m'éno éséngélé 'ya Amelika m'mbikyanga bilya bya celela

- Húnina ho'be m'maci ao hobe mwana húlya húshina konda hange i'konjwa babe na hatú i'hi'yana hange isaka m'búséni i'cwa m'éséngélé 'ya Amelika
- Sahúla misahú ya búkúbúkúbú, bayakani o'basoshi ba éséngélé lúmbaka o'hebwe mi'watéléco

U'le na boloci na wa u'njwa:

- Húna lúhúsa lwa i'hôto'â Amelika tú'nahanja lokendo, lunge wa celela ihúna m'manda wa lokendo lwa búséni, héna'ando'úba húle m'hangú'i wa politike
- Nye'mya mitetêkele ya lola bwami bwa ú'banda na bwami bwa ú'manda bwa éséngélé
- Lépa ébúkúlú 'ya bwami bwa úbanda na úmanda halya ha celela
- I'handé'éce mwinga na isobolwa iya bosolokoto hanga húle na mia'a 18 hange 26
- Bwéla USCIS bobé búci'é bwa m'mbése mwinga na suku 10 úshilé í'hétanya
- Hi'cha bobé bana banu'e ômasomo
- Húna m'manda wa bwi'ano mwa'a 1 wa lúbalé'o lwa o'be alamo m'éséngélé 'ya Amelika hanga húle m'séni

Bilya byo na te'e'lela m'éséngélé 'ya Amelika

M'éséngélé 'ya Amelika, kila é'tabi y'a bwami ikyú' 'watéléca mwingi na lyobe i' te'e'lela. Ú'na sangana na bilom'boci bya biha'kya bya éséngélé bya bwami bwa úbanda na bwa úmanda mwingi na yobe mi'âmbo ya bobé búhangú'i m'éséngélé 'ya Amelika.



Ú'bwéle byobe bilom'boci bya lola mi'ólwa ya éséngélé, mi'âmbo ya m'búka ô'banda na bút'é, ba'ambi ba baséni hange bitabi bya balya ba lola mihémbé ya ba'tú na hikyo âmba na ba hangú'i ba politike ba ú'langúlúle halya hanahãnwa mi 'watéléco ya bwami bwa éséngélé. Hémo mi'ólwa ya mi'watéléco ya bami héle na bikyanga bya féla na hékyo hanja cúba lya lobe ihúla m'méno éséngélé ité m'hangú'i hange wa w'acibwa ité m'séni.

Hanga únahúna m'w'atéléco wi'hikéla engelesa, wa celela úsalangwe úmasomo. Útõce m'soshi wa baséni wa halya húlémolama, na écua lya ibúkú, úmúnga ca m'búka úlangúlúwe halya hüna h'ikéla engelesa hange mange mahikéco mose mälya na mi'ólwa.

Binge bihé'a byúnacangéléla ité mséni

Hanga wahingécile m'éséngélé 'ya Amelika ité mséni msüngé cibélé 2 ca hétana hange wahebilwe ébamba yí 'ilama msüngé cibélé 2 ca hétana i'té m'hangú'i, unahúnina batú ba 'yobe ébúndé icwa hano ha Amelika. Ú'nahúnina batú ba 'yobe ébúndé ité:

- M'maci
- Wobe mwana (úshinakõnda/úshinakõnjwa wa hamanda na súngé 21 bikyanga byúhúnine ébamba 'yabobe búséni)

Húléngye o'kyece na i'hila m'manda wa I-730 wa baséni/hange bahangú'l ba politike ú USCIS m'mia'a 2 ya lyobe ihebwa boséni hange i'wacibwa iba mséni na úlangéshe cobe ngyöboloci cina éta úbe útende'elwe cinge súngé 2 mwingi na l'yobe ilama hano. Húno m'manda húnamone'â úngyela ya uscis.gov/i-730.

Mtú wa 'wacibwa ilama

Mtú wa celela ilama hano (Green Card) alé húlya wa hebwa ébamba 'i lama na i'âmba m'éno éséngélé 'ya Amelika. Mlobe i'wacibwa, úhebwa ébamba 'ya ilama ékyúbúciwá ébamba 'ya alamo. I'húna m'manda 'wabé'a m'tú i'ba m'ngyéla ya i'húna ébamba 'ya alamo a'nälose m'éséngélé 'ya Amelika (misahú ya manga ô'banda na bibyo bya'tenjwa ya cha'ngélé'la).

- Baséni **balé'ngye** i'húna ébamba 'ya alamo mwa'a húmo 1 bikyanga bya labo ihúla m'éséngélé 'ya Amelika. Baséni balé'ngye iba eho mwa'a 1 hose m'éséngélé 'ya Amelika bikyânga bamú'étéla m'manda aci.
- Bahangú'l **ba'nahúna** ébamba mwa'a húmo 1 hanuma nikya'ânibwa ité bahangú'i. Bahúngú'i balé'ngye iba eho mwa'a 1 hose m'éséngélé 'ya Amelika bikyânga bamú'étéla m'manda aci.

'Wihúna na i'hebwa ébamba 'ya alamo, úkyúce m'manda wa I-485, m'manda wa i'handé'wa ú ébamba 'ya alamo a nälöse hange 'wa húbe ikalú'la m'sômo. Húno m'manda húnamone'a úngyela ya uscis.gov/i-485. 'Wikyoca m'manda wa I-485, bahangú'i bakyúhúnwa bôkyo, shi'éta baséni taba'kyúhúnwa bokyo 'wa hebo l'kyúca m'manda wa I-485. Ba'âmbi ba ma keleshho

na balya bakyúkyá'anya baséni bana
ú'watéléca m'bihé'a byose.

Baséni

Mséni, ô'm'a'é ho'leho wa'húnwa i'húna
ébamba 'ya alamo mwa'a 1 hanuma na
i'wacibwa ité mséni m'éséngélé 'ya Amelika.

Ihúna ébamba 'ya alamo a'nalose

Kyu'cha m'manda I-485, m'manda wihúna
ébamba 'ya alamo hange ikalú'la m'sômo.
Baséni ta'bahú'lanye bôkyo u'ikyúca
m'manda I-485 hange hi'eta hénge mi'ôlwa.

Wa'wacibwa ikyú'ca m'manda hanga:

- Walama m'éséngélé 'ya Amelika mwa'â 1
hanuma na'l'wacibwa ité mséni;
- Húlémó lama m'éséngélé 'ya Amelika
bikyanga byúmokyú'ca m'manda wa I-485;
- Wa'wacibwa été m'hangú'i m'éséngélé 'ya
Amelika; na
- Hobe m'sômo wa boséni tahúnashi'ibwa.

Changéléla uscis.gov/i-485 na lu'nge
ú'cangéléle uscis.gov/greencard/refugees 'wa
l' manya misahú ya mǎnga.

Húna i'ba m'búka wa Amelika

Úna'wacibwa l'kalúla bobé botônji bwi
bú'cwa nabo hanga walúbú 'wacibwa iba
mwenembúka hémo mia'â ya ô'menena
na úwani'ne m'binge byose bya'húnwa.
Changéléla uscis.gov/citizenship 'wa imanya
misahú ya manga.

Bhangú'i

Hanga u'le mhangú'i wa politike wa'wacibwa ihúna bú'cié bwa ilama hanga walúbo hi'yana hano mwa'â 1 wa lyobe ihúla na hanga wanye'mya mi'a'é byangéne shi'éta ta wa tatéle'lwa ihúna hekyú mi'anda.

Ihúna bú'ci'é bwana lose

Úkyúce m'manda wa I-485, wihúna bú'ci'é bwanalose na ihi'yande'éca mwingi na bobé bú'lamu na isa'éla lú'alé lúwa â'lelwa ô mi'ô'lwa yúshi'étélwe.

Wa'wacibwa ihúna na ikyú'ca húkyo m'manda hanga:

- Hanga walama m'éséngélé 'ya Amelika mwa'â 1 wa lyobe ihúla ité mseni na ihebwa bo'hangúci;
- Hui'ekye m' éséngélé 'ya Amelika bibyo byúmokyúca húno m'manda wa I-485;
- Kéléléla ilama ité m'séni hange iba m'mâci hange mwana wa m'séni;
- Hanga twa'lama m'menge éséngélé 'ya bokeni;
- Wa'wacibwa m'mésé 'ya Amelika ité m'hangú'i; na
- Bwobe búlúle bwi'hi'yana tabúna a'mbéciwa.

Changéléla uscis.gov/i-485 na uscis.gov/greencard/asylees 'wa i' manya misahú ya manga.

Húna i'ba m'búka wa Amelika

Úna 'wacibwa ikalúla bobé bútonji bwi bú'cwa hanga walúbú 'wacibwa iba mkanda hemo mia'â ya ô'menena na úwani'ne m'binge byose bya'húnwa. Changéléla uscis.gov/citizenship 'wa imanya misahú ya manga.

Bú'i'ani

Bú'i'ani húle mkoci wa sambya bana bose ba' éséngélé 'ya Amelika. Becu túlé elongo 'ya sambibwa, tatúle na lobolo lwa lúbongeco hange bwa múnga 'la becu bose túle na bútamba, na búsawa. Iba m'búka wa éséngélé 'ya Amelika hú'úba na cú'i na úmanya bilya 'yetu e'lôngo bi'élé mú'lombolwa.

Mikyengye yobe ité m'búka hena úlushéla pondolo'ô yihebwa búbúka m' éséngélé 'ya Amelika mia'â hëshicwe. Ngyéla ya îba m' éséngélé 'ya Amelika ikyúbúci'ani. Húlengye útekenene mi'a'é yose ya bé'wa na bu'ami mwingi na lyobe ikalúla búci'é u'í'ba i'té m'búka wa éséngélé 'ya Amelika.



Ubyose, mwinga nasúkú ca ôbe alamo ité m'búka wanalose úna húna ikalúla búci'é. Baseni na bahangú'i ba'nahúna ikalúla búci'é mwinga na mia'â 5 numa ya súkú ca ilama m' éséngélé ité m'búka wa alamo a'nalose. M'seni wa politike akyú 'wacibwa ihebwa búci'é bwa ilama m'mwa'â humo 1 wa bwake boséni bikyanga m'manda I-485 wa'wacibwa. Mle'lya lyabo i'watechwa ihebwa m'manda I-485, baséni ba'wacibwa ilama, búkanda úcilya suku ca lyabo ihúla m' éséngélé 'ya Amelika.

'Icangana na mi'ôlwa yôse ya hìkana na ikalúla búci'é, cangéléla uscis.gov/citizenship. Mwingi na l'manya mitetekele yose. Bimo byahúnwa í'écwa bilé ité:

- Wacelela iba m'éséngélé 'ya Amelika m'bikyânga bya bé'wa na ba'lombôci.
- Wahúnwa úbe na maci'é malama m'éséngélé 'ya Amelika.
- Hu'léngye úbe na mikyengye ya ngéne.
- Wacelela ú'be na búbasha bwi'tenda, l'soma, ihandé'â, na híba na amanye'éco â'ihungwa engelesa 'ya batú ba'úsé na l'manya mitetekele na mise'eleco ya bwami bwa'éséngélé 'ya Amelika (bwami).
- Wahúnwa i'waca mihémbé amucunge na ma'lénga ma ibúkú lya mitetekele ya Amelika na ú'lahé'le wa ni'emya éséngélé 'ya Amelika.

'Wishima ihúna bu'i'ani bwa éno éséngélé húléngé ikyúca m'manda wa N-400, na l'cangéléla úngyéla ya internet ya uscis.gov/n-400. Bibyo-bibyo una sa'â lú'alé wa ikyúca m'manda wa N-400 na ishi'ita yobe misahi. Ulé mihémbé ya kalú'â na ikalú'lwa mwinga na ihúna búci'é úbalya ba 'wachibwa. Bibyo-bibyo USCIS hikyo 'watéléca batú bale na mi'ôbakano ya bilémbako. Bimo bya mi'watéléco ité balya ba i'himanina mi'watéléco ya boséni bana ú'watéléca ihúna iba m'búka.



vuvúle cimo pondolô'ô ca bana bam'búka cikyú lúshisha mtú cimo pondolô'ô, búlúle na bolôci íté bilya búbasha bwi sobola m'éséngélé 'ya Amelika, l'âmba mwinga na bútungwa, ínyata na m'manda m'bis éséngélé bya bokeni na únasobolwa iba elombôci.

Ú'mône USCIS

Changéléla uscis.gov mwinga na imanya misahú ya obe alôndo bi'a'lé mokéléléla hange imanya halya halé éyúmba 'ya USCIS. Únabúca abúkúlú ângana a USCIS 800-375-5283. Útôhúcu, úbalya balé na mi'úbakano ya í'hungwa na í'tenda búca éno ébal'élo TTY 800-767-1833. Mi'âmba hélé momone'â mwinga na bilúngwanya bya Engelesa na Espanishi. Ú'nacangéléla uscis.gov/contactcenter 'wa misahú ya USCIS.

Lú'tônjwa lwa USCIS

M'môlwa wa m'manda wa éséngélé na bú'séni (USCIS)

USCIS ya lola alamo m'éséngélé 'ya Amelika.

Húna yobe mi'anda yi cangéléla bu'i'ani bwa m'éséngélé 'ya Amelika, búbasha bwi sambya 'yobe ébúndé, ihúna lúhúsa lwa inyata m'biséngélé bya ekeni, na bingé bya manga.

Lútúnjwa lwa baséni na bahangú'i
uscis.gov/howdoi/refugeesasylees

Lú'tônjwa lwa USCIS

Éséngélé 'ya Amelika 'ya mushekenyenya: Mihémbé yilo'mbola bahangú'i ba m'bése

Mihémbé héno hélé múlangúlú'la bilya byonalama hobe na 'yobe ébúnde m'méséngélé 'ya Amelika. 'Ya sa'langa bwobe búbékalo na bolôci, y'a'olôca byose bilya by'ona éta mwingi na l'watéléca yobe mbúka, na l'ô'ú'watéléca biléé byona hémbé'â bobebu'i'yani m' éséngélé 'ya Amelika únabú'wa'cibwa hi'yana.

uscis.gov/newimmigrants

Hite'e'lela m'm' éséngélé 'ya Amelika

Héno webpage ya úwa misahú ya'tenda ô'banda na éséngélé 'ya Amelika, masomo na búlénji bwa bana, mi'watéléco ya lúbélo na alembe, inyatéla bingebi'éséngélé by búle ya Amelika, acî i'éta, ilama m'Amelika, pondolô'ô ya mi'âmbo ya mi'yeko, bút'éé, na bokyô na bômona bwa bokyô.

uscis.gov/tools/settling-us

Lú'tonjwa lwa bú'i'ani

Héno webpage ekyo'hana m'somo na m'sahú wa l'watéléca mwinga na bu'l'ani m' éséngélé 'ya Amelika.

uscis.gov/citizenship

O'hi'énge na bahí'bi na bakúlúkúlú

Hanga wa'únda lúsúngú mwingi na mi'olwa helya ya bu'hangú'i úbange'éce bya ngéne mtú hose húmú'úsúngúla hanga a'wacibwa benebene l'súngúlana. Mtú'ngwa hinose hange elombôci elya y'a 'wacibwa na bwami bwa eno éséngélé 'ya Amelika hange éhak'ya 'ya lola mangya l'élé nabúbasha bwi o'wa mahano ma'celela.

uscis.gov/avoid-scams

uscis.gov/avoid-scams/find-legal-services

Lú'tônjwa lwa USCIS

Mi'anda

Tú'mi'éca m'manda **I-765** ihúna ú'wacibwe i'éta âci, hange i'kalúla épalata 'yobe ya âci.

uscis.gov/i-765

Tú'mi'éca m'manda wa **I-730** ibú'ca wobe m'mâci hange bobbe bana m'éno'éséngélé 'ya Amelika.

uscis.gov/i-730

Tú'mi'éca m'manda wa **I-131** ihúna o'hotô'e m'éséngélé 'ya Amelika na ú'be na épalata 'ya búséni.

uscis.gov/i-131

Tú'mi'éca m'manda wa **I-485** ihúna ilama hanga húlé m'éséngélé 'ya Amelika.

uscis.gov/i-485

Tú'mi'éca m'manda wa **N-400** ihúna úbe i'té m'búka.wa éséngélé 'ya Amelika.

uscis.gov/n-400

Tú'mi'éca m'manda wa **AR-11** isahúla úlé USCIS wakéléléla ilama m'bobe bôci'é.

uscis.gov/ar-11

myUSCIS

Londa i'manya misahú ya boséni na yake pondolô'ô, yo ú'watéléca ú'l'úngye ô'obe alamo na imanya halya halé mahi'kéco makyohi'kéca alamo na lobú'ô lwa babú'i halya ha húlé. Hikéla bilya byonakangúla ébaléé'lô hange hú'na online na imanya bilya byúna'hihande'éca u'itumi'éca é'bé 'ya online i'manya makélélésho ma'ôbe alondo.

my.uscis.gov

myaccount.uscis.dhs.gov

Hé'nge mi'watéléco ya bwami bwa úbanda

Bino binwa bya salangwa hano hamanda bya húlanya misahú ya mi'ólwa ya bwami ú baséni na ú bahangú'i.

Lútú'njwa lwa mi'watéléco bwami bwa Amelika

Eha'kya y'alola Éni na mi'âmbo ya búlamu bwa batú m' Amelika

Bolom'boci ú'banda na bana hamucunge na bibú'ndé

E'yúmba 'yalola bahangú'i mwingi na boséni (ORR)

Hanga úle mséni, mhangú'i, na mtu' wa'saka ú'ébúndé ú'na 'wacibwa ikya'anya mi'watéléco ihumatú'a e'yúmba 'ya ORR. E'yúmba 'ya ORR élé na bokyo búkyú 'watéléca mi'ólwa na mihémbe ya manga ité bilya bú'té'é, ilondelana túci, na mi'watéléco ya mbo'ô yi'hanja aci na i'hikéla engelesa. ***Na bibyo byose bilé na byake bikyanga 'wa bilya biwalú 'wacibwa iba m'hangú'i hange ité m'séni na mwinga lyobe ihúla m'éséngélé 'ya Amelika. Bilé'byangéne ilola hanga wa wani'na ihebwa mi'a'é yose ya mi'watéléco bibyo byúchangana na lyobe l'únda mihémbe yose helya heleo.***

M'lom'bôci wa bwami wa lola baséni na 'yeni/'yeni 'ya baséni

acf.hhs.gov/orr/resource/orr-funded-programs-key-contacts

Mihémbe úbanda na mi'watéléco ya a'cwa ú'bwami

acf.hhs.gov/orr/state-programs-annual-overview

Mi'ólwa ya Eni

acf.hhs.gov/orr/health

Búci'é bwa machumba mwingi na mi'watéléco

acf.hhs.gov/orr/resource/finding-affordable-housing

Lútú'njwa lwa mi'watéléco bwami bwa Amelika

Mitô'njwa ya tú'ci

acf.hhs.gov/orr/employment-resources

E'hakya 'ya hima'nina bolamu bwa batú m' Amelika

E'yúmba 'ya bolom'bôci 'ya lola batú, baséni na bahangú'lwa

U'kya'anyibwa na mihémbe mwingi na ikabúla baséni

Hanga walú'wacibwa iba mséni m'éséngélé 'ya Amelika, walú'watéléci bwa na éhakya 'ya lola baséni m'aci'Íkya'anya na l'babé'a m'malémbo, aci a'himani'nwa na e'hakya ya éséngélé 'ya Amelika. E'hakya 'ya mi'watéléco 'ya 'waca i'úhi'ca ú'émo 'ya byake bi'yúmba lúmbaka éhanje i'ô'ôlela ité 'yaúlya, búté'é, ilondela húbe aci na botú bwa m'écua mwinga na suku 30 hange 90 m'lyobe ilama m'éséngélé 'ya Amelika. ***Bikyanga wahúla ité mséni m' éséngélé 'ya Amelika, húléngé ihú na m'mwatéléco wose holya o'bobe balom'boci balô úkya'anya hano lúmbaka walame na alembe.***

state.gov/refugee-admissions/reception-and-placement

E'hakya 'ya hima'nina bolamu bwa batú m' Amelika

E'yúmba 'ya bolom'bôci 'ya lola batú, baséni na bahangú'lwa

I'kyobola ngolobelo na m'kya'anyo wa malénga (CORE)

'Ya'watéléci bwa na é'hakya 'ya'himanina bolamu bwa batú m'éséngélé 'ya Amelika, CORE hikyo langúlúla na i'hikéca baséni ngolobelo ca balya balé m'éséngélé 'ya Amelika. Héno webpage ya úm'béleca bitú mto'tendeci ité Ehalabwe, Farsi, Enyalwanda, Eswahili na Esomalia. ***Kangúla CORE éno'ékyanga u'hikéle la bula mwingi na aci, écu'a,yeni, hi'únga bokyo na l'olobela Alamo a' m'éséngélé 'ya Amelika.***

corenav.org

Lútú'njwa lwa mi'watéléco bwami bwa Amelika

E'hakya 'ya hima'nina mi'ólwa (DOL)

DOL ya hangyakúla, 'iheca na i'úngya bomona bwa balya bamú'hilondela, balonji ba tú'ci na balya ba ô'cu ba'tú'ci ba éséngélé 'ya Amelika, DOL hikyo pondo'lola o'makeleleco ma balya bose ba âmba mi'ólwa byangéne. **Lolelela:** careeronestop.org. **Hémú'watéléca imona tú'ci na ma'hikéco m'babú'cwa.**

Bitú'njwa bwa búlúlé bwaba'ambi

dol.gov

E'yúmba 'ya tú'ci ('ya hima'ninwa na DOL)

careeronestop.org

877-US2-JOBS (877-889-5627 (TTY))

Ehakya 'ya hima'nina mi'a'é y a mi'alélo Bahangú'i na é'hakya 'y a búlúle bwa ba'ambi

Lwande lwa lola bahangú'i na benebene bwa ba'wa matú'ci, é'hakya 'ya lola mi'a'é na mi'alélo m'éséngélé 'ya Amelika 'ya o'menyenya é'hakya 'ya bahangú'i na baséni taba'élú'úba na lobolo mwingi na yake mitetekele. Eno épalata 'ya ambéla basoshi balo'la tú'ci ibola batú icangana na bo'ene, éséngélé m'tú 'wasa'ka na éséngélé mtú 'yalé m'mélé, hange l'ôsa bokyo. Bibyo-bibyo ya'ambéca iba hange ikweléla lwande lúmo, i'a'nga'na na mihénganyo mwinga na mi'hande'éci. **Bibyo-bibyo éno é'hakya 'ya'ema ilola bingé bilongo bilake mwingi ni'londa a'ci. Ha'nga walobo'lwa lúm'baka lwa mbúka héwa'cule hange lúm'baka'lwa úle mséni/ m'hangú'i, éno é'yúmba 'ya Benebene ya m'Hangú'l na M'ambi 'yú'watéléca.**

Mi'watéléco yose héle úlúm'baka lwa ibolwa mwingi na hi'ba m'búka wa' éséngélé 'ya Amelika hange búhangú'i

justice.gov/crt/immigrant-and-employee-rights-section

800-255-7688 (800-237-2515 (TTY))

Lútú'njwa lwa mi'watéléco bwami bwa Amelika

E'hakya ôbanda na búlé'nji

Ébalélo 'ya búma'nyi'éco'ya bolenji 'ya hú'nwa u'í'ba na a'ci, pondolô'ô ca l'kya'anya na hégé mi'watéléco yi säka úbotombi-tombi. ***Wa'húnwa ú'be na ébalélo 'ya búma'nyi'éco'ya bolénji na i'épalata. hemobú'cibwa m'manda wa búlénji na alamo. Changéléla héno webpage imanya misahú ya baséni na bahangú'i.***

ssa.gov/people/immigrants

800-772-1213 (800-325-0778 (TTY))

USCIS yalúkúla búbasha na ma'kala mi'ilo'ca súshú ca batú cilé mu'ibúkú la USCIS hélé múkya'anya baséni na bahangú'i. USCIS ya 'wacibwa i'loca súshu ca batú shi'éta tahena hanacino súshú citú'mi'écibwe na bange'batú. Búbasha bose búlya bwi'tu'mi'éca na úhékanya cino súshú úshilé i'wacibwa 'wa ambélwa. Cino súshú ca ambécibwa ilocibwa na bange bose balya shi'éta ca 'watéléca úmi'ambo ya léno ibúkú í'nose.



U.S. Citizenship
and Immigration
Services

uscis.gov